

戒菴老人漫筆

戒菴老人漫筆卷之七

江陰李詡

脫去凡近以遊高明。莫為嬰兒之態。而有大人之器。莫為一身之謀。而有天下之志。莫為終身之計。而有後世之慮。不求人知。而求天知。不求同俗。而求同理。此宋儒謝顯道序論語解中語也。昔庚子歲。先師東廓鄒先生在南院。嘗手書以示詡。敬佩服不敢忘。不幸遭倭亂。書篋一空。而是卷亦散失。無從復得。日夕

往來於衷者又三十餘年矣。追念師訓。荏苒自棄。不覺汗流浹背。重錄一過。以當書練。

客與主對。讓盡所對之賓。而安心居於卑末。又能盡心盡力。供養諸賓。賓有失錯。又能包容。此主氣也。惟恐人加於吾之上。惟恐人怠慢我。此是客氣。謙虛之功。與勝心正相反。人有勝心。為子則不能孝。為臣則不能敬。為弟則不能恭。與朋友則不能相信。相下。至於為君亦未仁。為父亦未慈。為兄亦不能友。人之

惡行雖有大小皆由勝心出勝心一堅則不復有改過徙義之功矣 乾卦通六爻作一人看只是有顯晦無優劣作六人看亦只有貴賤無優劣在自已工夫上體驗有生熟少壯彊老之異亦不可以優劣論也 在贛州親筆寫周子太極圖及通書聖可學手一段末云按濂溪自註主靜云無欲故靜而於通書云無欲則靜虛動直是主靜之說實兼動靜定之以中正仁義即所謂太極而主靜者

即所謂無極矣。舊註或非濂溪之意。故特表而出之。右四條皆文成王公語。傳習錄所未載。

明道先生曰。人於外物奉身者。事事要好。只有自家一箇身與心。却不要好。苟得外物好時。却不知道自家身與心。已自先不好了也。延平先生曰。默坐澄心。體認天理。若於此有得。思過半矣。右程李二先生之言。予嘗書之坐右。南濠都君。每過輒誦其言之善。持此紙索。

予書予不能書、然有志身心之學、此為朋友  
者所大願也、敢不承命、陽明山人餘姚王守  
仁書、此一綿繭紙、筆畫徑寸、靖江朱近齋來  
訪、問余何自有此寶、余答以重價購之、吳門  
謂曰、先師手書、極大者為得之所藏、脩道說  
若中等字如此者、絕少而竟為君所有、心印  
心畫合併在目、非宗門一派氣類、默承詎能  
致是乎、遂手摹之以去、乃余原本亦亡於倭  
思之痛惜

劉元城曰一切君子小人好惡不常。若要一時  
周遍。冠婚喪祭。往還飲食之禮。一一過當。周  
至時。費盡一生心力。只得人道是箇好周至  
人。然又不能使君子小人皆喜。所謂外慕也。  
只有一箇誠意。千古萬今使不盡。

王伯厚困學紀聞曰。朱文公嘗問蔡季通。十二  
相屬。起於何時。首見何書。又謂以二十八宿  
之象言之。唯龍與牛為合。而他皆不類。至於  
虎當在西。而反居寅。鷄為鳥屬。而反居酉。又

舛之甚者韓文考異毛穎傳封外地謂十二  
物未見所從來愚按吉日庚午既差我馬午  
為馬之證也季冬出土牛丑為牛之證也蔡  
邕月令論云十二辰之會五時所食者必家  
人所畜丑牛未羊戌犬酉鷄亥豕而已其餘  
虎以下非食也月令正義云鷄為木羊為火  
牛為土犬為金豕為水但陰陽取象多塗故  
午為馬酉為鷄不可一定也楊升菴慎曰子  
鼠丑牛十二屬之說朱子謂不知所始余以



為此天地自然之理非人能為也日中有金  
鷄乃酉之屬月中有玉兔乃卯之屬日月陰  
陽互藏其宅也古篆巳字作蛇形亥字作猪  
形餘可推而知矣空同子李夢陽曰十二支  
子鼠丑牛等初謂取象耳然木人見漆則瘍  
猶見寅人則銜其兒走徙其窠王廷相雅述云世之木人  
多矣而瘍者間有之不木而瘍者亦有之父  
木而子不木其瘍則同何耶使一家三兩皆  
為寅屬其猶不養子耶寅人見之徙其子非  
寅人見之亦徙此又何耶其雜著多可採  
草木子葉世傑曰術家以十二肖配十二辰

每肖各有不足之形焉如鼠無牙牛無齒虎  
無脾兔無唇龍無耳蛇無足馬無膽羊無神  
猴無臀鷄無腎犬無腸猪無筋人則無不足  
也王文恪公鰲曰二十八宿分布周天以直  
十二辰每辰二宿子午卯酉則三而各有所  
象女土蝠虛日鼠危月燕子也室火猪壁水  
獮亥也奎木狼婁金狗戌也胃土雉昴日鷄  
畢月烏酉也觜火猴參水猿申也井木犴鬼  
金羊未也柳土獐星日馬張月鹿午也翼火

蛇軫水蚓已也角木蛟亢金龍辰也戌土貉  
房日兔心月狐卯也尾火虎箕水豹寅也斗  
木獬牛金牛丑也天禽地曜六直于天以紀  
十二辰而以七曜統之此十二肖之所始也  
王充論衡物勢篇曰五行之氣相賊害含血  
之蟲相勝服其驗何在曰寅木也其禽虎也  
戌土也其禽犬也丑未亦土也丑禽牛未禽  
羊也木勝土故犬與牛羊為虎所伏也亥水  
也其禽豕也已火也其禽蛇也子亦水也其

禽鼠也午亦火也其禽馬也水勝火故亥令  
蛇火為水所害故馬食鼠屎而腹脹曰審如  
論者之言含血之蟲亦有不相勝之効午馬  
也子鼠也酉鷄也卯兔也水勝火鼠何不逐  
馬金勝木鷄何不啄兔亥豕也未羊也丑牛  
也土勝水牛羊何不殺豕巳蛇也申猴也火  
勝金蛇何不食獼猴獼猴者畏鼠也噬獼猴  
者犬也鼠水獼猴金也水不勝金獼猴何故  
畏鼠也戌土也申猴也土不勝金猴何故畏

犬十二辰之禽五行之蟲以氣性相克則尤  
不相應凡含血之蟲相服至于相啖食者自  
以齒牙頓利勦力優劣自相勝服長洲戴冠  
筆記曰十二生肖之義嘗聞人述浙江參政  
左公贊之言謂以足上趾爪奇耦辨辰數之  
奇耦或疑子肖鼠鼠足爪前耦後奇又何也  
予曰此可見取象極精蓋子乃陰極生陽又  
在夜半萬物皆息之時惟鼠獨動若陰中有  
陽靜中有動然故取象於此丑牛牛蹄分為

耦寅虎虎則五爪為奇卯兔兔則四爪為耦  
自餘無不然獨巳肖蛇蛇固無足又何取義  
蓋巳在月乃純陽之月在時乃純陽之時數  
雖偶而時則陽故用蛇以象之蛇乃陰物不  
用其足而象巳著疑亦諱言乎陰之意爾又  
易曰乾為馬坤為牛造化權輿云馬之蹄圓  
牛之蹄折亦此義也何燕泉孟春曰十二相  
屬取義子寅辰午申戌俱陽故取相屬之奇  
數以為名鼠五指虎五指龍五指馬單蹄猴

五指狗五指丑卯巳未酉亥俱陰取相屬之  
偶數牛四爪兔兩爪蛇雙舌羊四爪猪四爪  
見洪巽漫錄子午卯酉五行死處其屬體皆  
有虧鼠無膽兔無腎馬無胃雞無肺見曾三  
異因話錄或曰鼠膽在首非無也余按論指  
爪與戴所  
記蓋相通論體虧與葉  
所論則互異更參之合觀古今諸說而十  
二生肖可攷見矣

唐武后畜一白鸚鵡名雪衣性靈慧能誦心經  
一卷后愛之貯以金絲籠不離左右一日戲

曰能作偈求解脫當放出籠雪衣若喜躍狀  
須臾朗吟曰憔悴秋翎似秃衿別來隴樹歲  
時深開籠若放雪衣女常念南無觀世音后  
喜即為啟籠居數日立化於玉球紐上后悲  
慟以紫檀作棺葬于後苑周公謹志雅堂雜  
載王介石家有東坡書蔡君謨二小詩及杭  
妓周韶能小詩蘇子容過杭韶求脫籍子容  
令即席賦詩有云籠中若放雪衣女多念阿  
彌陀世尊籍中皆作詩為送內有胡楚龍靚  
二妓者詩最佳此不知志林中有無按前詩  
與鸚鵡所咏無異抑傳之者有誤耶并記之  
以俟  
參考  
宋高宗宮中養鸚鵡數百皆能言語高



宗一日問之曰、思卿否、鸚鵡曰、思卿遂遣中  
貴送還隴山、後數年、有使臣過隴山、鸚鵡問  
曰、相公何處來、使臣曰、自杭州來、鸚鵡曰、上  
皇安否、使臣曰、上皇崩矣、鸚鵡聞之、皆悲鳴  
不已、使臣賦詩曰、隴口山深草樹荒、行人到  
此斷肝腸、耳邊不忍聽鸚鵡、猶在枝頭說上  
皇、此詩存郵亭壁間、武后所放鸚鵡、有道氣  
高宗所放鸚鵡、有義氣、人可不如鳥乎、唐太  
宗貞觀中、林邑獻鸚鵡、數言思卿、巧還開元

中楊貴妃有鸚鵡呼雪衣娘亦能誦心經六  
雪衣思鄉四字何相同如此獨太宗所放不  
聞其能知恩貴妃所畜不聞其能作詩為稍  
異耳又春渚紀聞亦載一鸚鵡云有韓奉議  
者為通州守家人得鸚哥忽語家人曰鸚哥  
數日來甚思量鄉地若得放鸚哥一往即生  
死無忘也家人聞其語甚怜之即謂之曰我  
放你甚易此去隴州數千里外你怎生歸得  
曰鸚哥亦自記得來時驛程道路月中且去

溪林中藏身以避鷹鷂之擊夜則飛行求食  
以止飢渴耳家人即啟籠及與解所繫緇線  
且祝其好去鸚哥亦低首答曰娘子勿慙更  
各自好將息莫憶鸚哥也遂振翼望西而去  
家人亦悵然久之謂必無遠達之理至數月  
舊任有經使何忠者自隴州差至京師授文  
字始出州城回憩一木下忽聞木杪有呼急  
足者忠愕然謂是鬼物呼之再三不免仰首  
視之即有一鸚鵡且顧忠曰你記得我否我

便是韓通判家所養鸚哥、你到京師、切記為  
我傳語通判宅眷、鸚哥已歸到鄉地、甚快活、  
深謝見放也、忠咨嗟而行、至都、遂至韓第、問  
鸚哥所在、具言其所見、舉家驚異、且念其慧  
黠、及能偵候、何忠傳達其言、為可念者、或未  
以為信、舉太宗林邑鸚鵡、明皇時楊貴妃鸚  
鵡、證之、河南邵氏聞見錄十七卷中、亦云有  
關中商得鸚鵡於隴山、能人言、商愛之、偶以  
事下有司獄、旬日歸、輒嘆恨不已、鸚鵡曰、即

在獄數日已不堪。鸚鵡遭籠閉累年。柰何商  
感之。携往隴山。涕泣放之。去後。每商之同輩  
過隴山。鸚鵡必於林間問。卽無恙。托寄聲也。  
按六事大槩不甚異。不知何故。宋李昌齡曰。  
昔韋南康鎮蜀時。有一鸚鵡。甚慧馴。養者曉  
以佛理曰。若欲念佛。當由有念。以至無念。卽  
仰首奮翼。若聽若承。及使念佛。則默然不答。  
或詰其不念。則唱言阿彌陀佛一聲。意有悟  
以有念為緣生。以無念為真際也。一日不震。

不仆歛翼委足奄然而絕焚之有舍利韋公  
為立塔瘞之號曰鸛鵒塔

須臾即斯須鄒魯方言楚辭招魂尾句皆曰步

蘇箇反

楚人方言即梵語薩縛訶也三字合言

之即步字

杭州湖船最精妙者曰水月樓惟以供要路之  
過杭者

偶閱鄒先生立齋智集得羅一峯先生遺事六  
條錄以為廉立之助楊東璽作相時以百

官祿薄請令得受皂隸錢自是遂以為例獨  
先生不受高州守饒秉鑑見先生衣單饋  
蟹袍先生服之入金牛遇一丐死于道傍即  
解袍以歛而買棺以塋之保寧守李直作  
懷賢堂祀三陳請先生記先生却之曰堯叟  
堯咨無可祀祀文惠而及其父母可也先  
生欲買義田以贍族人進賢令呂升知其力  
不足以堂食錢助之先生不受曰食以堂名  
非公可得而私也廣東按察使陶公以白

金五十兩請大忠祠祀先生許之即日盡散諸族人一日客來甚蚤先生固留之飯不

知其家無米也夫人乞諸隣得濕粟數升旋

炒旋脫之則日已將中矣先生亦曠然不以

為意也崔後渠集中論一峯行鄉約而戮族

載于後見一峯此舉乃君子之過而亦以見

有剛正之操者精義之學亦不可不講也書

曰鄉約之行欲知人皆入于善其意甚美但

朱呂之制有規勸無賞罰豈其智不及此蓋

賞罰天子之柄而有司者奉而行之居上治

下其勢易行今不在其位而操其柄已非所

宜况欲以是施之父兄宗族之間哉或有尊

于我者吾不得而賞罰焉則約必有沮而不



行者矣可不慮其所終乎在比之九丘王用  
三驅失前禽夫子以為舍逆取順蓋來者不  
振去者不追不能必人以從我也凡入約者  
必其誠意感孚華心向化而後可有不能從  
則當聽其出約今欲假官府之權力邀強制  
以必人之從已殆非所謂顯比之道也又聞  
族人有為盜者必親置之死地此於當代之  
典先王之制聖賢之事皆所未聞孔子曰古  
之為盜惡之而不殺也不先其教而一殺之  
是以罰行而善不及刑張而罰不省若孟子  
所謂不待教而誅者蓋指殺人之于貨之盜而  
言耳如穿窬鼠竊而皆殺之則彼禦人于國  
門之外者將何法以加之乎禮曰公族其有  
死罪有司讞于公公既三宥之矣而又使人  
追之曰雖然必赦之有司對曰無及也然後  
為素服不舉如其倫之喪親哭之夫以朝廷  
之上法度所在其處宗族之死罪者若是而  
况於手自殺之手又况罪不應死者乎以是

知聖賢之在鄉黨其所以處族人者殆有不  
然昔漢人有為盜者曰刑戮是甘乞不使王  
彦方知彦方遺布一端卒能化盜使之道不  
拾遺是不猶愈于殺乎陽城居於晉之鄙晉  
之鄙人薰其德而善良者幾千人溫公與康  
節在洛里中後生皆畏廉恥欲行一事必曰  
無為不善恐司馬端明邵先生知是皆君子  
之居鄉有不約而自化者以先生名德當不  
下於諸公自身而家自家而鄉久於其道彼  
將自笑何用汲汲乎強人以從約重法以禁  
盜耶雖曰君子之所為衆人固不識然某之  
愚實有不能無疑者深願先生熟思而審處  
之如使今之吉豐亦如溫公康節之洛則朱  
呂之鄉約庶可行矣

葛常之韻語陽秋曰子美善用文選語故宗武  
亦習之不置所謂熟精文選理休覓綵衣輕

又云呼婢取酒壺續見誦文選是也今試取  
校之兩字連綿同者甚衆三字四字以至五  
字而止間一有焉始知得於文選多矣杜之  
源流所自誠在于此後之沉酣于杜者則惟  
文信國公文山一人而已其餘但拾殘唾何  
足尚也昔人言文選爛秀才半蓋以文選作  
本領故耳

孫楚媚王濟以驢鳴魏收悅文宣以狗鬪潘安  
仁拜賈謐之車塵宋之問捧張昌宗之溺器

文人之無行。一至此哉。平生著述。辛苦以傳世者。適足為後人嗤笑之資。則亦弗思甚矣。虞嘯父欲獻孝武以魚鮓。劉道隆欲見超宗之鳳毛。不學無術。一至于此。黃庭堅云。人無古今。浸淫于中。照鏡則面目可憎。對人則語言無味。此之謂也。此桑思玄悅庸言中語。釋名娼女曰摩鄧迦。又曰尋香人。男色曰旃羅舍。惡人曰鳩羅。賊曰朱利草。金曰蘇伐羅。銀曰阿路巴。

昔人謂農人三時之勞一時之逸。余竊謂農人未嘗有一日逸也。特治農務必三時而後收歛。始畢故可云然耳。不知收歛既畢。官逋私負紛紛集擾。仰事俯畜。惻惻關心。當斯時而不遑暇食。猶可左支右吾。稍或憊焉。啼飢號寒。立至矣。聶夷中二月賣新絲。五月糶新穀之句。先儒稱為曲盡田家情狀。今殆有甚焉。蓋蚕絲五月穀粟九月。此常候耳。預取給於二三月前。猶是稍能過活之家也。其為百孔

千瘡者皆通年隔歲咄咄藉是二月之賣五月之糶豈足以形容之哉欲求頃刻之逸不可得矣噫

身先老僕不為代為極如今田地俱屬富家子家完  
他老人得才身同矣心似此如世快樂矣又及久能不思

嘉靖中浙人徐學詩極論嚴嵩去職蘇之嘉定有同姓名者亟改詩為謨今登顯要矣嘗觀宋時王明清揮麈前錄記一事云元祐名卿朱紱者君子人也紹興初不幸坐黨錮崇寧間亦有朱紱者蘇州人初登第欲希晉用上疏自陳與姦人同姓名恐天下後世以為疑

遂易名諤。蔡元長果大喜。不次擢用。何前後之一轍如此也。

相臺崔公銑曰。碑志盛而史屬矣。唐詩興而教亡矣。故札具而友濫矣。表牋諛而君志驕矣。制誥儷而臣報輕矣。賄幣流而贊禮失矣。舉業專而經學淺矣。登第易而全才蔑矣。

天祿閣外史。乃近年崑山王逢年所詭託者。逢年特一有筆性浪子耳。適有餘姚人胡御史某。沾沾以文學自喜。雜此文于左國司馬諸

篇中刊行頒于蘇常四郡學宮令諸生誦習之殆亦一奇事也

如省心錄非林和靖指掌圖非東坡龍城錄非子厚

皆係偽作此等甚多

筆墨二事士人日與周旋不可茫然莫識其梗槩也曩時買墨于金閶吳山泉餉余以文衡山帖一中乃記墨法也余邑孫大雅滄螺集有贈筆生張蒙序二文論筆墨大略具矣並存之序曰昌黎韓子傳毛穎為中山人中山非晉乃唐宣州中山也宣州自唐來多擅名



筆而諸葛氏尤精。諸葛嘗遺其子授筆。柳誠懸且語其子曰。柳學士善書。當留此筆。不爾。即以常筆與之。既而柳果以不入用。別求他筆。其子不能知。諸葛語之曰。前所進者。非二王不能用也。柳為一代法書。而不知諸葛之用意。諸葛之藝。乃能過誠懸之書。信乎千里馬常有。而伯樂不常有也。國初此法流吳興。自馮應科陸頴輩。首被趙文敏賞識。而宣州之筆。殆無聞焉。余嘗以筆何勝於宣湖筆工。

有不能言。此蓋未見韋續論筆之過。其法取  
崇山絕仞中兔毛。八九月收之。毫長一寸。管  
長五寸。鋒齊腰強為善。大抵巖石陡絕。其兔  
下上犇突。舉身之加。皆聚于毫。至八九月霜  
降。竹枯。聳身曲脊。以耐寒栗。則其力愈勁。宣  
湖又山郡。兔材易集。故家有其業。業有其人。  
至於用意之妙。齊鋒不難。而腰強為難。鋒齊  
者類。不能強。腰強者有不能齊。雖趙文敏用  
馮陸筆。亦僅得其齊。而罕得其強。余雖不善

書。然私識其故。而有以知韋說之不謬。吳興  
陸用之。精於爲筆。不在馮穎之下。徙居婁江。  
授其甥顧秀巖。秀巖又授其甥張蒙。世傳筆  
法。如出一手。自漳泉廣海賈舶來。吳艤舟岸  
下。百金易之。殆無虛歲。雖涖之士大夫求筆  
有不待遠走百里而取之。几席之下。知生論  
筆之利病。辨析至到。始余識之。吳郡學宮。數  
求余言。時方次能書。未暇也。後余還湘。其請  
益堅。故序以廣士君子之知。而嘆識者之稀。

也。記曰：昔人雅重文房之選。余學書五十年，頗留意茲事。近時陶穎之外，惟楮墨最為敝。濫古紙不復可見矣。墨出歙州者，差強人意。蓋其地去李氏雖遠，而製法猶存。其取煙入膠和材，搗鍊收貯之類，極為煩瑣，故其成甚難。而其直亦甚穹。數十年來，不勝售者之衆。其直之下，曾不及所費百分之一。若是而求其不濫，何可得哉？余往歲喜用水晶宮墨，蓋歙人汪廷器所製。廷器自號水晶宮客。家富

而好文雅與中朝士大夫遊歲製善墨遺之  
然所製僅僅數十挺特供士大夫之能書者  
而不以售人故其製特精嘗為余言製法之  
妙謂所燃燈心必染茜用之嘗一歲失染墨  
成精光頓減其不可忽如此近有吳山泉者  
廷器之甥實得其法居吳中製墨亦精余亦  
喜用之恐其欲易售而忽其法也故為說廷  
器之用心不苟如此按古法用好純松煙乾  
搗細篩每煙一斤用膠五兩浸椀皮汁中椀

皮即江南石檀木皮也其皮入水綠色又解膠并益墨色鷄子白五枚真珠麝香各一兩皆別治合調鐵臼中搗三萬杵可過不可少一法松煙二兩丁麝香乾漆各少許入紫草色紫入椀皮色碧皆助墨光大凡墨以堅為上。古墨以上黨松心為煙以代郡鹿角膠煎為膏而和之其堅如石惟易定人祖氏得其法祖蓋唐之墨官也其後有奚超者亦易水人唐末與其子廷珪來歙而唐時賜姓李氏

父子皆善製墨而超尤精論者言超墨其堅如玉其紋如犀徐常侍鉉嘗得李超墨長不過尺細如簞用十年乃盡其磨處邊際似石可以截紙又言其墨書版牘歲久牘朽而字不動皆言其堅也當時但知廷珪善墨而不知超之尤精如此陶雅為歙州刺史謂超曰爾近製墨甚不及吾初至郡時超曰公初臨郡歲取墨不過十挺今數百挺未已何能精好夫超之能猶以多不得精為患今之製者

動以數千。嗚呼。是尚得為墨乎。嘉靖乙未仲冬衡山文徵明書。

成化時常熟富室魏姓者。其家園牡丹盛開。招客燕賞。首席為其邑城廣西僉憲湯克難。琛次席為其郡城詩人張豫源。淮兩公即席用僧明本梅花詩。神真人塵春一韻。各成百詠。于一日之間。誠騷壇絕世之盛事哉。豫源百詠。都南濠穆序之。其姪工部郎中嘉玉刻于弘治癸亥春三月。克難百詠。錢東湖仁夫序。



之其孫潮廣憲副繼文刻于嘉靖甲申春三月傳刻雖有遲速而皆賴于後人之賢且偶然同邁于花叢之時均可記也寓圃雜記記正統間江陰布衣徐願常熟上舍魏某兩家甚富必欲得一京職徐謀于中宮王振魏懇于當道大臣皆得為中書舍人徐以黨人罪歸魏稍遷主事京師稱為金中書銀主事魏即賞牡丹之人也

小兒出痘瘡時乳母乳忽斷絕者其子必凶多

驗

友人問余以吳中丹青名家、余稱相城翁為最。又欲一一次第數之、聞余稱陳公季昭、渠恠謂未聞此人也。且據王鳳洲、卮言為証、余笑謂之曰、陳公在當時、雖以丹青垂名六十年、然不喜親世事、所莫逆者、惟杜東原先生、其人宜乎今世之莫稱也。祝枝山曾誌其墓、甚稱說之子信、今鳳洲獨不信。昔枝山采余家先世貽陳公松林高逸圖、乃天順三年三月

望日所畫信是高品周東村臣與季昭同居  
郡城為鄰因通贄請業傳其法以名世東村  
又以其傳傳仇十洲英蓋東村十洲一親受  
業季昭一私淑季昭者也公名暹季昭其字  
戴章甫筆記記陳暹季昭為南京刑部郎作  
朝分俸絕句是同時有兩陳暹而字又同也  
但未考其何地耳

王生世名浙武義縣人萬曆四年父良為族讐  
王俊十六者歐死時生年廿六方遊學聞訃

言在外

歸則父已歛數日。生慟且恨。狀于官。祖兵其母泣曰。兒寧忍殘父屍乎。不得已。陽諾其和。仇者以田書券付生。受之。每入輒計租直。封價以藏。所餽即銖鎰。無不封識者。繪父像。且自繪懸劍侍。托言古人出必帶劍。奉像朝夕泣拜。誓必報。購一刃。自勒報仇刀三字于上。母與妻不知也。七年服闋。遊邑庠。生愈蹙曰。吾何面目立明倫堂。自是不為舉業。惟手書忠孝格言誦焉。生子甫數月。每撫之曰。吾

已有後死無憾。母妻訐之。至九年正月廿六日。仇俊飲于鄰。且醉。生乃揮刃碎其首。斬之。至家白于母。舉家駭哭。遂出其向所封識者。及宿。搆自首狀。投于邑。請死。邑令陳君驗所封識。果非一時事。且訪之士民。皆服。陳曰。此孝子也。不可令與獄卒伍。置之別館。隨上其事于當道。當道委金華守周君按其事。周復委金華汪令庭訊之。生曰。復何言。吾事畢矣。只欠一死。令曰。檢若父屍。驗有傷。若止。應坐。

子孫擅殺行兇人律王生曰吾惟不忍殘父  
屍。以至此死則抵仇何檢為遂具呈懇乞放  
歸辭毋負劍樞前金華令憐之遂為文請于  
郡其畧曰謹按王世名宿抱父冤潛懷壯志  
強顏與仇同室矢心終不共天封買和之費  
不遺鎔銖鑄報仇之刀懸之繪像就理恐殘  
父骨即死慮絕父嗣歲序屢更剛腸愈烈及  
甫生男一歲謂可從父九原遂割刃于仇人  
甘投身于法吏驗父若果有傷擅殺應從末

減。但世名誓不毀父屍以生。惟求即父柩而死。觀于孝心激烈。一檢必至。自盡夫不檢則惟有以世名之身抵所殺之命。檢固世名且自盡。是世名不檢固死。檢亦死死等耳。捐生慷慨既難卒保其身而就死從容似宜曲成其志。合應放歸故里。聽其自裁。若果不愛其死。以息兩家相報無已之冤。且令後之藉口報仇者曰。若殺人報仇必如世名之自殺而後可。則孝子百世之名可成。而國家三尺之

法亦不廢矣。郡可其議。生遂得歸。金華令謂  
生曰。子行。吾當徐來。生曰。吾志決矣。行至武  
義。其母與妻持生號。生泣曰。以父之遺。為父  
死。雖離母。得從父。知謂妻曰。善事若妯。善撫  
若子。見陳君置之前所館處。令人守之。生志  
終不易。取父木主懷之。金華令以五月八日  
至武義。邑士民聚而直其事。金華令曰。吾固  
不欲王生死。令人舁其父柩至。生聞之大號  
曰。汪君。願不諒我。遽以頭觸地。守者持之得。



不死夜半復求死不得明晨邑諸生輩翼生  
至望見金華令即以頭觸堦石血噴如雨伏  
地地為之赤金華令曰吾欲生世名故檢其  
父今必死檢復何為遂令舁生去且遺文生  
弔焉其詞曰嗚呼烈哉兮王生胸中有恨兮  
千蒼昊一心圖報兮何幽深六年嘗卧兮殊  
苦辛揮刃白日兮斬仇人含笑入地兮留芳  
名劍光皎皎兮昭日星英魂耿耿兮扶天經  
嗚呼烈哉兮王生生少甦整巾起歌之曰汪

君知我遂取所集忠孝詩并別母囑妻詞封  
之復作一書致守者上陳君以達汪君遂不  
食而死死猶懷父主不釋時五月十一日也  
陳君以禮歛且親至其廬為文祭之又弔以  
歌邑人議以向所封識建祠祀之陳君曰此  
生所不享者當別議令人持其書至金華令  
歿而讀之不勝悲咽遂書其事以傳焉萬曆  
辛巳歲仲夏望前三日金華知縣汪可受著  
余稍約其辭而存之汪庚辰進士湖廣黃梅

人

沈存中云古文已字。從一從亡。此乃通貫天地人。與王字義同。中則為王。或左或右則為己。僧肇曰。會萬物為一己者。其惟聖人乎。子曰。下學而上達。人不能至於此。皆自成之也。得己之全者如此。

萬曆癸未正月初六日。常熟城中丘郡家。爨下有食櫥。內錫錠。置熟鷄半。巨隻。此除夜所餘者。連日以賀節。馳逐忘之矣。是早婢檢器皿。

至食櫺邊見光焰耀目隨覓所在乃鑊中鷄  
蒸氣結成一小殿宇中坐佛一尊如世間大  
士像婢茫奔告于郡郡移于堂之卓上南面  
整冠服率家衆羅拜之不滅細視惟覩晶晶  
熒熒殿宇如瑠瓊像眉目皆分明越三日猶  
故家衆駭愕若醉若癡秘不敢言第四日更  
餘呂巫者結束一草船浮之於城河是時其  
縣學生名周琦者處郡家館浮河之次日正  
周赴館晨也故聞之獨詳燈夕後余家孫至

常熟會文周親與孫說竟不知何祥何災也

郡乃嚴相國家家幹亦曾為某邑丞

後郡旋沒子以

買入學事敗罹罪幾千金之產一朝蕩覆靡遺曩固恠異之兆與惜余記時不能懸斷之也周中丙戌進士亦不久卒卒不久家之顛沛更有甚于丘者云

少保于公題桑云一年一度伐條柳萬木叢中

苦最多為國為民甘寂寞却教桃李聽笙歌

沈石田咏蠶云衣被深功歲蠶動木筐火暖

起眠時願言努力加餐葉二月吳民要賣絲

姑蘇秋官馬清痴愈題蚕豆云蠶忙時節豆

離魂爛煮堪充老肚皮。却咲牡丹如斗大。可  
能結實濟人飢。宋時王文康公詩云。棗花至  
小能成實。桑葉雖柔解吐絲。堪笑牡丹如斗  
大。不成一事只空枝。馬作蓋本于此。郡照王  
尚文題綿花云。採得西風雪一簾。禦寒功在  
倍春蚕。世間多少閒花草。無補於人也自憐。  
無錫秦廷韶題菜云。翠葉蒙茸塌地鋪。曉炊  
初薦美如酥。世間此味人知少。乞報中州士  
大夫。諸作皆非朔風弄月之比。可獻之採風。

者

王浚川迂相云、周濂溪之子、曰環溪元翁者、與蘇黃諸公學佛談禪、盡壞其家學、歐文忠之子斐、與僧講法、失其父風、蘇東坡之子過、父事梁師成、變乃翁之節、韓稜不諂權貴、其孫演則黨附梁冀人之不肖、亦不係于世類如此、權貴竇憲也。

父在觀父之志、父沒觀父之行、先意承志、繼志述事之教、非孔子觀人也。若曰父在子不得

自專而志則可知是啟人以陰蓄叛父之志也此是朱近齋之說極為有理考亭聞之嘗亦心肯

父志未成而為其子所敗此亦不當不為所

有傳至神鵲鳴冤傳者事甚奇傳云張興肝貽人以策騾為生時往朱家林獲二鵲歸平明策騾出兼籠二鵲欲便市之有一商賃其騾冀往新溪路見二鵲急解金贖而縱之野而橐裝已為所覘矣邇幽閨地殺商沉尸於灣河盡有其橐中金而返人莫之覺也一日喬



侯決獄二鵲倏西至、飛鳴繞案、如怨如訴、遣之再三、竟不散、侯疑有佳報、乃搖吻鼓尾者三、疑有寃、一兩作首肯狀、侯云果寃、爾當自屋梁上下、更環飛三匝、如其飛不爽、侯問寃何在、可啻籤與兩直兵去、二鵲跳躑而前、回首數四、後又或飛或落、若恐飛捷、直兵不克追也、行可三十里許、灣河畔、輒投入水中去、久之出、喧噪異常、水面浮漚層起、直兵以復候、侯躬往觀焉、鵲亦隨之往返、侯令漁人捕

一伏尸如生、年約三十餘、背束大石、長鞭擁其項、仍諭鵲再示其圖之者為誰、我為若決之、仍命兩直兵俱別令數人尾其後、以俟可擒、二鵲引如前、至平康村高槐下、茅屋五椽、編棘為籬、騾二頭在焉、鵲竟噪其簷、其人出、輒集其肩臂而頻噪之、其人怒欲擊、復立噪於屋、直兵悟、給云吾輩緣公務欲騾走長清橋、其人以力怯辭、直兵言去寧倍金謝、因行、其人馳騾足下、見直兵腰懸鞭策、即熟視而

辨認之蓋謀商時用以擁項者也直兵特袖  
之來欲探其意耳幸累錯愕業自敗厥情益  
實約半塗直兵連尾之者已執矣侯細鞠成  
招銀四十兩檢之其家尚完璧第瑣碎者稍  
費一二終不招其商之姓氏與鄉籍何如也  
遂下獄擬罪而浮瘞商于東城下二鵲因俯  
首致謝後于瘞商處旋摩悲鳴猶不忍割侯  
遂付民家籠養此鵲以候上官定奪發落鳴  
呼全蛇獻珠活雀投環古記之矣今商不辨

為何地人而以縱鵲雪泉下之沉寃有是我  
好生者之驗乎然張興利商賈毒商命人不  
及覺而鵲訟之官致有此報雖曰鵲靈實由  
天假詎謂天鑒昭昭毫髮可欺也世之萌異  
心者可鑒矣此聞之盱眙衆商信而可徵時  
萬曆十一年癸未孟冬事也

人生到處知何似恰似飛鴻踏雪泥泥上偶然  
留指爪鴻飛那復計東西東坡有為之言也  
葉文莊公盛云數自一至十惟三平聲八卦惟

乾離坤平聲十干十二支皆不多平少陰常有餘陽常不足。君子少而小人多。此亦可見朱子註參同契托名鄒訢鄒與邾同出姬姓是朱字訢與熹同訓喜字

閱楚新刻志得陶仲文傳錄之。陶仲文黃岡人故姓潘其父潘允興者為陶氏假子。生仲文因冒姓仲文少為蘄水黃梅二縣掾喜治神仙方術嘗受符水訣於羅田萬王山而邵真人元節微時亦往來仲文家嘉靖初仲文選

授遼東庫官秩滿需次吏部陞山東某縣主簿而邵真人已卒

世宗比老欲請骸骨未有問會宮中黑眚見

邵治之亡驗遂薦仲文代已召試之仲文

稍以符水嚙劍絕其妖莊敬太子患痘從

仲文禱而瘥上寵異之己亥扈聖駕南

巡至衛輝府白晝有旋風繞駕不散上

問仲文何祥對曰主火上遣仲文禳之仲

文奏曰火終不免第謹護聖躬耳是夜行

官果災、宮中死者亡筭。上僅以身免。即日  
勅行在吏部、授仲文神霄保國宣教高士。  
上體素羸、步履少難。一日問仲文卿何術祈  
禱取驗。仲文因勸上玄修保元神、主於清  
靜寧一、則法無不驗。自是上退居迎和宮。  
輒事秘禱以祈天永命。歲餘進神霄保國弘  
烈宣教振法通真秉一真人領道錄事、食正  
二品俸。尋加少保、禮部尚書。又加少傅。餘官  
若故。食正一品俸。俄進少師、少傅、兼少保、禮

部尚書神霄保國弘烈宣教振法通真忠孝  
秉一真人知道錄事若故前此大臣無兼總  
三孤如仲文者尋又改神霄紫府闡範保國  
弘烈等號知道錄事少師少傅兼少保禮部  
尚書若故勲階特進光祿大夫柱國又兼支  
大學士俸尋支伯俸二十九年春不雨上  
問仲文何以久不雨仲文曰疑有冤獄時河  
間人王聯以忤逆抵極刑因誣奏原問官故  
巡撫副都御史胡纘宗等以詩誹謗詔逮治



之考訊久亡狀。上釋之。是夜漏下四鼓。大雨。明日召吏部尚書夏邦謨至迎和門授勅。勅曰。禮部尚書兼真人陶仲文禱雨濟旱。力贊平獄。特封為恭誠伯。賜誥歲祿一千二百石。八月降勅。歲加祿米一百石。仲文疏辭。上曰。卿祝釐保國。禱祈雨暘。累累效職。若鞠獄非卿職也。果專恭太上。盡職玄脩。雖數爵亦未克酬。今以平獄謝。似非宜。且准辭。是歲北虜犯關。詔舉群臣可任邊事者。仲文以

間薦所善府丞吳人朱隆禧。上札曰：師言隆禧可用。但祖宗法不可廢，以朕計之，靜為上。蓋隆禧故考察閑住官也。上即寵用仲文，不欲令預朝政。乃仲文實無他方術，在左右最久，亦心憚上威嚴不測，不敢他有所奸。後仲文請老，盡以素所賚金三萬兩、帛千疋、蟒衣玉帶諸寶器奏進。上察其意篤，詔收內庫，已出脩廬溝橋，仍遣官給驛還鄉。居亡何卒，年八十，賻卹甚厚。隆

慶初

詔追奪仲文爵典籍其家

仲文初名典真余家

有舊通報中載其請乞奉安雷壇頭頗備當

時聖眷附以備考神霄保國弘烈宣教振

法通真忠孝秉一真人領道教提各官觀持

知道錄事少保禮部尚書陶典真一本懇乞

天恩奉安雷壇允光

聖典事欽蒙聖

恩差官於臣原籍涵廣黃州府黃岡縣團風

鎮雷壇舊址增修今已落成欲令男太常寺

寺丞臨世同臣婿博士吳潛躬送欽頒祥

像供器前去奉安併送臣妻一品夫人表氏

詣祖步祭掃用彰

皇上崇神勸孝聖典

事畢回京供職沿途經過官司量給應付往

回臣等不勝感荷天恩激切之至等因奉

聖旨

祭掃朕心嘉悅着兵部便行沿途經

過軍衛及水陸驛遞等衙門一體往還衛護

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

應付不許遲誤違了的不饒還差內官一員

各屬執與他  
該部知道

江西省崇義縣正德間新立民皆傘種洞蠻也  
傘字在軫韻中音部本切後山叢談云二廣  
居山谷間不隸州縣謂之獠人舟居謂之蜒  
人島上謂之黎人獠音姚蜒音延韻書作瑯  
馮者音但下注南夷海種則蜒字宜以虫从  
下為正傘種亦曰傘人叢談所載三人今稱  
無異蓋有四等異人稱矣據戶廣海系珠人  
載軫耕錄  
容齋五筆曰左傳載衛宣公烝於庶母夷姜生

伋子爲之娶於齊而美公取之生壽及朔  
宣姜與公子朔譖伋子宣姜者宣公所奪伋  
之妻也公使伋子齊遣盜待諸辛將殺之壽  
子告之使行不可壽子載其旌以先盜殺之  
遂兄弟併命按宣公以魯隱四年十二月立  
至桓公十二年十二月卒凡十有九年姑以  
即位之始便成烝亂而伋子即以次年生勢  
湏十五歲然後娶既娶而奪之又生壽朔朔  
已能同母譖兄壽又能代為使者以越境非

十歲以下兒所能辦也。然則十九年之間，如  
何消破此最難曉。德清陳霆駁之曰：按此洪  
氏失詳考耳。非難曉也。衛莊公以平王三十  
六年卒，是年子桓公繼立。越十三年而入春  
秋。再四年而蹈州吁之難。是年十二月，國人  
殺吁，迎公子晉入立，是為宣公。宣乃莊衆子。  
莊公之卒，距宣公之立，凡十有七年。其烝夷  
姜當在桓公嗣位之後，而非其即位之初為  
始也。意者莊公甫卒，宣公即上行無禮，而桓

公以逼于州吁之故慮其合而構也故不加  
禁焉迨宣公入立則伋之生既勝冠矣夷姜  
亦已當小君之禮專寵宮闈既而新懼間舊  
幼子加長嫌疑諛隙日積月生始則以夷姜  
之愛而為伋娶終則以宣姜之故而置伋死  
此其前後恩怨之反而伋母子戕隕之由也  
左氏曰夷姜壽朔之生在宣公即位一二年之後  
無疑蓋新臺之築苟宣公未立則亦未能所  
事如志也然則宣公末年壽朔當踰男子化

生之期矣。諸兄越境奚為不能哉。洪氏曾不致推宣公於為公子之時而徒以烝母奪婦與前後生子皆併于十九年之內。宜其考論之不可通矣。是說極與余意合。

余邑有匠班銀匠戶。每名出銀四錢五分。此定於國初而戶籍一成不變。夫銀以匠名為其有匠利而課之也。今其子孫不為匠者多矣。猶可責其辦者承祖戶而力亦勝也。中間有絕戶有逃戶。則里甲賠贖出千無辜有零。



下有乞丐遇每歲追併必至于盡命何無一人以通變之法聞於為司牧者乎排年十年一編審可照例行也核見在匠作均派之當無巷議者豈謂四錢五分所出甚細而變易舊制其事甚難乎吾意留心民瘼之君子更化善治銳然舉行其何難之有近年以一户之銀而連三四人為溝中瘠者蓋聞且見之矣惜余老耄無能為力也匠戶有彈花匠名色即今鄉村彈綿花人也當時綿花未甚行

紡織頗少故亦與木匠瓦匠漆匠等同議  
張太岳居正論戶部出入揭帖云臣等看得

國家財賦正供之數總計一歲輸之太倉銀  
庫者不過四百三十餘萬兩而細至吏承納  
班僧道度牒等項毫釐絲忽皆在其中矣嘉  
隆之間海內虛耗公私貯蓄殊可寒心自

皇上臨御以來躬行儉德覈實考成有司催徵  
以時逋負者少奸貪犯賊之人嚴併不貸加  
以北虜款貢邊費省減又適有天災歲比豐

登故得倉庫積貯稍有贏餘然閭閻之間已  
不勝其誅求之擾矣臣等方欲俟國用少裕  
請 皇上特下蠲租之詔以慰安元元之心  
今查萬曆五年歲入四百五十五萬九千四  
百餘兩而六年所入僅三百五十五萬九千  
八百餘兩是比舊少進八十餘萬兩矣五年  
歲出三百四十九萬四千二百餘兩而六年  
所出乃至三百八十八萬八千四百餘兩是  
比舊多用四十萬餘矣問之該部云因各處

奏留蠲免數多、及節年追贓人犯財產已盡、  
無可完納、故入數類少、又兩次奉 旨取用、  
及奏補金花拖欠銀兩計三十餘萬、皆額外  
之需、故出數反多也、夫古者王制以歲終制  
國用量入、以為出計、三年所入必積有一年  
之餘、而後可以待非常之事、無匱乏之虞、乃  
今一歲所出反多於所入、如此年復一年、舊  
積者日漸消磨、新收者日漸短少、目前支持  
已覺費力、脫一旦有四方水旱之災、疆場意

外之變何以給之此皆事之不可知而勢之所必至也比時欲取之於官則倉廩所在皆虛無可措屢欲取之於民則膏血已竭難以復支而民窮勢促計乃無聊天下之患有不可勝諱者此臣等所深憂也夫天地生財止有此數設法巧取不能增多惟加意撙節則其用自足伏望皇上將該部所進揭帖置之座隅時賜省覽總計內外用度一切無益之費可省者省之無功之賞可罷者罷之務

使歲入之數常多於所出以漸復祖宗之  
舊庶國用可裕而民力亦賴以少寬也鄙諺  
云常將有日思無日莫待無時想有時此言  
雖小可以喻大伏惟聖明留意

今人家買得贗譜便詫曰我亦華胄也最是可笑  
此事起于袁鉉鉉以積學多藏書貧不能  
自養業此以驚愚賈利耳

今之詩家大都如先輩所謂羣玉秀才便自嘐  
嘐千古詩之體裁茫如也余觀元微之樂府

古題序與近時楊用脩論唐詩正聲一條乃  
所當究心者備揭之元氏集云詩訖於周離  
騷訖於楚是後詩之流為二十四名賦頌銘  
贊文誥箴詩行詠吟題怨嘆章篇操引謠謳  
歌曲詞調皆詩人六義之餘而作者之旨由  
操而下八名皆起于郊祭軍賓吉凶苦樂之  
際在音聲者因聲以度詞審調以節唱句度  
短長之數聲韻平上之差莫不由之准度而  
又別其在琴瑟者為操引採民氓者為謳謠

備曲度者。摠得謂之歌曲。詞調斯皆由樂以  
定。詞非選調以配樂也。由詩而下九名皆屬  
事而作。雖題號不同。而悉謂之為詩可也。後  
之審樂者。往往采取其詞。度為歌曲。蓋選詞  
以配樂。非由樂以定詞也。而纂撰者由詩而  
下十七名。盡編為樂錄。樂府等題。除銑吹橫  
吹郊祀清商等詞。在樂志者。其餘木蘭仲卿  
四愁七哀之輩。亦未必盡播於管絃。明矣。後  
之文人。達樂者。少不復如是。配別但遇興紀



題往往兼以句讀短長為歌詩之異劉補闕  
之樂府肇於漢魏按仲尼學文王操伯牙作  
流波水仙等操齊犢豨作雉朝飛衛女作思  
歸引則不朽漢魏而後始亦以明矣况自風  
雅至於樂流莫非諷興當時之事以貽後代  
之人沿襲古題唱和重複於文或有短長於  
義咸為贅騰尚不如寓意古題刺美見事猶  
有詩人引古以諷之義焉曹劉沈鮑之徒時  
得如此亦復稀少近代唯詩人杜甫悲陳陶

哀江頭。兵車麗人等。凡所歌行率皆即事。篇無復倚旁。予少時與友人樂天李公垂輩。謂是為當。遂不復擬賦古題。昨梁州見進士劉猛李餘各賦古樂府詩數十首。其中一二十章咸有新意。予因選而和之。其有雖用古題全無古義者。若出門行。不言離別。將進酒。特書列女之類是也。其或頗同古義。全創新詞者。則田家止。述軍輸。捉捕詞。先蜚蟻之類是也。劉李二子方將極意於斯文。因為粗明。

古今歌詩同異之旨焉。楊用修云：五言古詩，漢魏而下，其響絕矣。六朝至初唐，止可謂之半格。又曰：近體作者，本自今曉品者，亦能區別。高棅選唐詩正聲，首以五言古詩，而其所取，如陳子昂、故人江北去、楊柳春風生、李太白去國登茲樓、懷歸傷暮秋、劉春虛滄溟十萬里、日夜一孤舟、崔曙空色不暎水、秋聲多在山，皆律也。而謂之古詩可乎？譬之新寡之文君，屢醮之夏姬，美則美矣，謂之初笄室女。

則不可。於此有盲姑取鑽罐而充完璧以自  
練而為黃花。苟有孱婿必售其欺。高稜之選  
誠盲姑也。近見蘇刻本某公之序乃謂正聲  
其格渾其選麗噫是其孱婿乎。

血少陰也金也故其氣腥尿太陰也水也故其  
氣臊髓少陽也木也故其氣羶屎太陽也火  
也故其氣臭津隱于舌通於脾故其氣香。醫  
書謂男子二八女子二七而天癸至蓋男子  
為陽陽中必有陰陰之中數八故一八而陽

精升二八而陽精溢女子為陰陰中必有陽  
陽之中數七故一七而陰血升二七而陰血  
溢男子八八六十四女子七七四十九而天  
癸竭者數之窮也前段出岳蒙泉雜言後段  
載都南濠紀談

偶見人雜錄有沈石田挽常熟自新蔣御史欽  
詩錄之詩曰肝膽都消血食中老夫和淚哭  
英雄片言禍福人難料一死是非天自公後  
世茫茫青竹籀高堂咄咄白頭翁忠魂化作

長生樹隴上空號西北風。蔣公初疏與合邑。  
貢史二公連名。是正德元年十一月初四日。  
鎮撫司打過。後次年閏正月十五日。又獨具  
奏。請誅逆瑾。午門外再打三扣。至十七日。終  
隔一日耳。又獨具奏。復請誅瑾。錦衣衛又扣  
竟以是死云。真奇男子也。近來趙定宇諫張  
江陵奪情事。杖歸亦自是有勁氣。不伍流俗。  
沈殿元憲學有詩送之曰。莫厭清時見逐臣。  
主恩深處五湖春。烟霞耐可丹心老。雪曉驚

堪白髮新。愧發庸天。成畫虎。愁來吾道繼書  
麟。獨醒未許漁人笑。歸却花溪共釣綸。

張睢陽謝加金吾表曰。想峨眉之碧峰。游豫西  
蜀。追騷耳於玄圃。保壽南山。逆賊祿山。迷逆  
天地。戮辱黎融。羶臊闕庭。震驚陵廟。臣被圍  
七日。親經百戰。主辱臣死。當臣致命之時。惡  
稔罪盈。是賊滅亡之印。又一詩曰。接戰春來  
苦。孤城日漸危。合圍侔月暈。分守若魚麗。屢  
厭黃塵起。時將白羽揮。裹瘡猶出戰。飲血更

登陴忠信應難敵，堅貞諒不移。無人報天子，  
心計欲何施。又許遠亦有祭文，所謂太乙先  
鋒蚩尤後殿。蒼龍持弓，白虎捧箭。二公之作，  
至今誦之，猶凜凜有生氣。

吳郡劉叅政欽謨，縣筍瑣，探載鄒御史亮作三  
夸詩，其一言蘇平，其二言湯胤績，其三言劉  
溥，謂獨不識蘇平。夫蘇公字秉衡，號雪溪道  
人，浙之海昌人也。以詩文游江湖間，嘗作繡  
鞋詩，人目為蘇繡鞋。在景泰天順時，往來余



家與先從祖雪窓父子相吟咏最善又有蘇  
正者字秉楨號雲壑蓋同胞昆仲也二公所  
作詩文今猶有遺筆在格調尚屬醇古無今  
人纖麗態嘗觀宋石介作三豪詩曼卿詩豪  
永叔文豪杜默歌豪而杜默人亦罕知且有  
議之者今不敢緣幽顯妄論優劣三豪三豪  
殆是異代的對杜默濮州人字師樵余少時  
見蘇城婦女祭所謂太媽者獻酒拜伏必祝  
曰今夜獻過太媽娘娘三盃酒願得我家養

子像陸南王漢文徵明遍城皆然習以為例

今人所皆知者亦惟文耳

王漢號墨池曾其所纂兩晉南北

奇談六卷其所著雜賦一卷則衡山公餘余者與陸偕中正德已外科應天鄉舉

光祿卿王守和未嘗與人有爭嘗於案几間大

書忍字至於幃幌之屬以繡畫為之明皇知

其姓字非時引對問曰卿名守和已知不爭

好書忍字尤見用心奏曰臣聞堅則必斷剛

則必折萬事之中忍字為上帝曰善賜帛以

旌之張公藝書忍字進高宗朱考亭載於小

學書人無不知者而未知玄宗時復有守和  
亦以忍字進也二公自處于忍則得矣若論  
引君之道高玄二宗一生只受虧于忍字豈  
可以水濟水乎

凡涉人為皆是作偽故偽字从人从為凡人之  
一身只是火候失調便生病故病字从丙言  
火也

宋趙潛曰凡入溺死者以鴨血灌之可活  
凡有風狗毒蛇咬傷者只以人糞塗傷處極妙

新冀尤佳諸藥不及此

吳文定公寬跋芸窓父師集云張溝南先生有詩名于元末其詩恨未見之徒得高太史季迪跋語謂其詩格律深穩不尚篆刻有會理切事之語季迪為當時詩宗觀其評品如此則其詩可知矣吾友王守溪吏部今歲其詩二冊而其子瑄之作皆在題曰芸窓父師集芸窓蓋瑄之號獨所謂師者不知所指豈集中附載者皆其人歟癸亥二月郊祀齋居為

讀一過因記其後溝南名端字希尹江陰人  
瑱字藻仲尤以書名云倪雲林答張藻仲書  
贊啟藻仲孝廉尊契比承命俾畫陳編脩子  
經剡源九曲圖并賦詩敢不承命惟謹自在  
城中汨汨略無少清思今日出城外閒靜處  
始得讀剡源事跡圖寫景物曲折能盡狀其  
妙趣蓋我則不能之若草艸點染遺其驪黃  
牝牡之形色則又非所以為圖之意僕之所  
謂畫者不過逸筆草草不求形似聊以自娛

耳近迂遊偶來城村索畫者必欲依彼所指  
授又欲應時而得鄙辱怒罵無所不有寃矣  
乎詎可責寺人以不髻也是亦僕自有以取  
之非耶偶及此發達者一咲謬詩謹儼呈畫  
褚全納為我多謝編脩君也尊君侍次并乞  
道謝幸甚瓚再拜上啟又一書云今日在盧  
氏客樓大風烈日車硯枯燥如熬盤聖第復  
濟之以僕之惡也所謂鈍人騎駑徒令旁觀  
咄咄費力耳能書畫者非神慮凝靜風日清

美則不為之。顧愷之之登樓去。家人罕見。歐陽通猩猩為筆毫。象犀為管。不始書。同一樞軸。豈今人造次鹵莽所為耶。吾藻仲妙于書畫。當不以僕言為然耶。至正乙巳六月十二日。倪瓚按藻仲名邑志。殿閣詞林記二處俱作宣字。此芸窓集與陶南村書史會要俱作瑄字。余昔年有所記。亦作宣字。集其本書陶同時人。從瑄寫為是邑人。曾未知有此集。倪東亦不易得。故並錄之。後得會稽唐肅撰。

張宣更名說乃知藻仲初名瑄因有同姓名者以多貲欺請于其父而更為宣焉甚矣夫臆斷之難也

萬曆甲申歲八月二十日無錫考童生五鼓驟入縣令怒其不肅也毆出俟唱名魚貫而進一時蜂擁出儀門踏死十七人中間為師者一從人三又一變也追憶嘉靖庚子正月十七日武進飢民告賑噪聚郡門亦踏死數人余里中有芮姓者以訟事伺候被踏死而復



甦并前所記邑看春事五十年內此變蓋三見焉

朱子詹承爵。余邑名流也。惜余生稍晚。且株守章句。未遑追隨。今老矣。不勝懷賢之感。因思徐玉几尚德輓章。描寫頗盡。身騎鸞鶴下天池。手搏雲光五色絳。漢鼎商彝聊悅志。秦碑宋梓益搜奇。已醒石上三更夢。還欠人間萬首詩。山白堂前夜深雨。杜鵑來傍翠屏啼。又子詹甲子下第之作。蕭條書劍出都門。落木

西風郭外村。無命文章遭白眼。有情松菊對  
清樽。下机不愧山妻傲。破屋仍厭處士貧。故  
國漁樵應笑我。歸來贏得滿頭塵。

祝枝山允明云。貪夫欲人之廉。虐夫欲人之柔。  
暴夫欲人之仁。教夫欲人之遜。彼亦知夫廉  
柔仁遜之為美也。然而不能焉。而更要之人  
以為已得。則以昧是非之分耳。

豆腐起於漢淮南王劉安之術。朱文公豆腐詩  
曰。種豈豈苗稀。力竭心已苦。早知淮南術。安

坐獲泉布。蘇雪溪平詩曰：傳得淮南術最佳。  
皮膚褪盡見精華。一輪磨上流瓊液，百沸湯  
中滾雪花。瓦缶浸來蟾有影，金刀剖破玉無  
瑕。箇中滋味誰知得？多在僧家與道家。余邑  
先達孫司業大雅先生，嫌豆腐之名不雅，改  
名菽乳。賦詩云：淮南信佳士，思僊築高臺。入  
老變童顏，鴻寶枕中開。異方營齊味，數度  
真琦瑰。作羹傳世人，令我憶蓬萊。茹葷厭葱  
韭，此物乃呈才。我菽來南山，清漪浣浮埃。轉

身一旋磨、流膏入盆罍、大釜氣浮浮、小眼湯  
洄洄、頃待晴浪翻、坐見雪華皚、青鹽化液瀦、  
絳蠟竄煙煤、霍霍磨昆吾、白玉大片裁、烹煎  
適吾口、不畏老齒摧、蒸豚亦何為人乳、聖所  
哀、萬錢同一飽、斯言匪俳詼。

東吳顧汝玉記王孝廉療奇疾事略孝廉姓王  
氏名敬臣字以道長洲縣人府學選貢生少  
篤魯閔之行晚兼岐黃之術有司表其宅里  
撫按薦諸廟堂徵書計日下矣同邑半刺張

君慕渠致政里居以萬曆己卯秋九月遭子  
麟孫禍以劫財死事具余所為哀饒州詩中  
其第三子聘徐秀才牖民第四女為婦少奉  
齋羸弱乙酉冬日歸于張未彌月日長至謁  
先祠遺像覺有驚動遂發狂疾三日夜若有  
物憑焉作半刺語張氏大驚奔告徐秀才徐  
來省女則與半刺叙生平相勞苦叩以冥事  
曰命未應絕猶得為縣因索筆寫遺囑書一  
夫字遂輟曰高陞掣吾肺高陞者同劫賊奴

伏誅者也。口中言未然事，了了可辨。問以逆狀，則曰：「前世事。」問逆所在，則曰：「在地獄。」問女何病，則曰：「為逆。」牽告今在蔣土地祠鞠審，又謂其子曰：「汝婦賢，恐難繼。」此地亦非可居。徐因祈懇曰：「我女汝媳，汝媳我女。世為婚姻，胡不相恤？」乃曰：「我力不能救。」蔣神素莊，王孝子祈之，脩刺或可免耳。王孝子，即少湖貢士也。徐不之信，曰：「孝廉正直，寧信鬼事。」曰：「我亦不信。」乃今見之，徐猶然未信。因族人張鳳羽試

求救于孝廉。孝廉咲曰：我素無請謁，冥間亦有人情耶？是不可以刺。徃可依古，禱而療之。又教以夾兩大指，灼艾其間，亦古灸方也。甫加艾，鬼物窘甚，曰：某等候三日，竟以一丸愈乎？去去。女遂甦。今漸差。前一歲里有患疫者，亦夢孝子能療，得一刺而愈。蓋其所活人夥矣。又聞半刺被創，未即死，欲與秀才面語，為逆所隔。齋恨以殘，今憑媿以語，或其寃魂未散云。獨王君療疾，則孝行通于神明，理不

誣矣况言孝于逆家謂非有天意不可舍故

稍為叙述以備好奇者採焉

煮飯何如煮粥強好同兒女熟商量一升可作

二升用商日堪為六日糧有客只須添水為

無錢不必問羹湯真言淡薄少滋味淡薄之中滋味長右煮粥詩

蕭瑀陳叔達謂李花有九標香雅細淡潔密宜

月夜宜綠鬢宜泛酒俗謂柿樹有七絕一壽

二多陰三無鳥巢四無虫五霜葉可玩六嘉



實七落葉肥大岳季方作畫葡萄說云其幹  
臞者蕪也節堅者剛也枝弱者謙也葉多蔭  
者仁也蔓而不附者和也實中果可啖者才  
也味甘平無毒入藥力勝者用也屈伸以時  
者道也其德之全有如此者是蒲萄有八德  
矣枇杷秋萌冬花春子夏熟得四時之氣見  
近峯聞略

古人之節抑有義焉如元旦許慎說文云元者  
始也春秋謂一為

元董子曰人君體元上巳野客叢書云自漢  
居正故曰元年元日以前上巳不必三  
月三日必取巳日自魏以後  
但用三月三日不必巳也端午  
云余家元

和中端五詔書並無作午字霞珊玊鈞云原懷沙忠死後人每年以五色絲聯而吊之。後世以五字為午，則誤矣。隨筆云：唐玄宗以八月五日生，宋璟上表，有月惟仲秋日在端午之句。九月之五，七夕。續齊諧記云：桂陽日，皆可稱端午也。其弟曰七月七日織女，當渡河，吾向被召弟問織女何事，渡河。答曰：暫詣牽牛。風土記云：織女七夕渡河，使鵲為橋。歲時記云：七夕，女入結綵樓穿七孔針，陳瓜果于庭中，以乞巧。有蟾子羅於瓜果，重陽魏文帝書曰：歲往月之上，以為得巧。為陽數，其日與陽並，應故曰重陽。續齊諧記云：汝南桓景隨費長房遊學，謂曰：九月九日，汝家當有災，急令家人縫絳囊，或茱萸，繫臂上，登高以飲菊酒，此禍乃消。仙書云：茱萸為辟邪翁。菊花為延壽客。假此二物以消陽九之厄。夢華錄云：都人重九，各以粉麵蒸糕相

遺上插剪綵小皆以奇陽立節偶月則否此  
旗糝釘果實

亦扶陽抑陰之義也至于元夕以燈太平御覽載史

記樂書云漢家祀太乙以昏時祀到明今人  
正月望日夜游觀燈是其遺事唐書嚴挺之

傳云睿宗好音律先天二年正月望日胡人  
婆陀請然千燈因弛門禁帝御安福門縱觀

晝夜花朝以花風土記云浙間風俗言春序  
不息正風中百花競放乃遊賞之時

中秋以月歐陽詹翫月序云秋之十時後夏

夜又月之中稽之天道則寒暑均取諸月數  
則蟾蜍故曰中秋龍城錄云唐明皇於此

夜遊皆以望日此特因其時物之盛者耳俗

以每月初五十四二十三為月忌凡事必避

之、衛道夫云、聞前輩謂此三日即河圖數之中宮五數耳、五為君象、故民庶不可用陰陽家書云、月忌是庶貞直日、即獨火星也、二說俟叅之、菽園雜記云、今人以正五九月不宜上任、蓋宋尚道教、正五九月禁屠宰、新官上任祭告、應祀郊壇、必用宰殺、故忌之、唐高祖武德二年正月甲子、亦禁唐朝新格、以正五九月為忌月、房玄齡等損益隋律、亦存之以不行刑、謂之斷屠月、

子游武城今兗州府嘉祥縣魯之西郊狩而獲

麟之地

王廷相曰近歲華陰舞陽二縣麟生于野乘聲雷鳴厥口吐火火即電也

徐迪功昌穀禎卿嘆嘆集皆消遣悲傷之作與迪功集迥然不倫蓋迪功集工于模擬漢魏而嘆嘆集則任真而出者也

有人論士子未中時須先成家後來方可立功名余謂之曰人願志何何如耶豈在外面立脚魯憶薛方山應旂與余論渠同年中三人各別一是山陝人中後觀政衣食不給冬間

猶着夏衣厭苦馳逐思親歸阻終日抑鬱一  
夕縊死于旅一是吳中鉅富之家歷宦貪婪  
異常一是越中以處館為生者極清廉不肯  
苟取一文何論有家無家耶惜久而忘其姓  
氏也

程文簡公大昌云杜牧賦阿房其意遠其辭麗  
吳武陵至以王佐譽之今用秦事叅攷則其  
所賦可疑者多其叙宮宇之盛曰覆壓三百  
餘里隔離天目按始皇紀作阿房在三十五

年周馳為閣道自殿下直抵南山據地里而約計之自渭水而南直抵南山僅可百許里若從東西橫計之則自鄠杜以至漉水亦無百里安得蓋覆三百餘里也及其叙妃嬪之盛則曰王子皇孫輦來于秦為秦宮人有不可得見者三十六年此又誤也始皇立二十六年初拜六國則二十五年前未能盡致侯國子女也安得三十六年不見御幸也邪按本紀曰秦每破諸侯馮放其宮室作之咸陽

北阪上

即渭城也

南臨渭自雍門以東至涇渭廢

屋複道周閣相屬所得諸侯美人鍾鼓以充  
入之則宮室嬪御之盛如賦所言乃渭北宮  
宇中事非阿房也阿房終始皇之世未嘗訖  
役工徒之多至數萬人二世取之以供驪山  
未幾周章軍至戲則又取此役徒以充戰士  
則是歌臺舞榭元未落成宮人未嘗得居也  
安得有脂水可棄而漲渭以膩也其曰上可  
坐萬人下可建立五丈旗者乃其立模期使



及此而始皇未嘗於此受朝則可以知其初  
撫未寃也而牧皆援渭北所載以實渭南豈  
非誤歟賓退錄云洪駒父詩話載鮑欽止之  
說謂古本作未雲何龍然未知何據  
困學紀聞云白虎通引親屬記即爾雅釋親也  
通典顏延之曰伯叔有父名則兄弟之子不  
得稱姪從母有母名則姊妹之子不可言甥  
且甥姪唯施與姑舅耳雷次宗曰姪字有女  
明不及伯叔甥字有男見不及從母劉共父  
刊二程先生集改姪為猶子朱文公謂古人

固不謂兄弟之子為姪亦無云猶子者記禮者之  
言猶已子但云兄之子弟之子然從俗稱姪亦無  
害於義理也

幽人抱貞志。裸身在樞機。夕惕未遑寧。結廬掩  
荆扉。我昔從之游。莫或窺其微。一別三十年。  
心迹兩乖違。欲往繼前好。去聲風塵埋我衣。題  
詩紀宿契。因之寄相思。此石橋里趙僉憲大  
河寄贈余作也。時在隆慶己巳秋。今其墓草  
宿久矣。云別余三十載。余且茫然。然於余鄙

性懶慢之狀頗為識得。檢諸故籍。因識於此。  
老子曰。去子之虛志。與驕氣。泰色。與嗜欲。是皆  
無益於子之身。至哉言乎。

盛於五嶽。稱宗伏羲。畫八卦。以始斯文。孔子作  
六經。以終斯文。皆於茲土。

武溪老人漫筆卷之七